

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 084864 25 St
Livno, 09.04.2026. godine

OPĆINSKI SUD U LIVNU, stečajni sudija Aleksandar Kontić, odlučujući o prijedlogu za otvaranje stečajnog postupka nad imovinom pravnog lica JP "Gradsko groblje" d.o.o. Drvar, ul. Titova broj 1, zastupan po Predsjedniku Općinskog vjeća Drvar, Pećanac Jasna iz Drvara, izvan ročišta, dana 08.04.2026. godine, donio je dana

R J E Š E N J E

Otvara se stečajni postupak nad imovinom pravnog lica JP "Gradsko groblje" d.o.o. Drvar, ul. Titova broj 1, zastupan po Predsjedniku Općinskog vjeća Drvar, Pećanac Jasna iz Drvara.

Zaključuje se stečajni postupak nad imovinom pravnog lica JP "Gradsko groblje" d.o.o. Drvar, ul. Titova broj 1, zastupan po Predsjedniku Općinskog vjeća Drvar, Pećanac Jasna iz Drvara, zbog nepostojanja imovine koja može biti predmet stečajne mase.

O b r a z l o ž e n j e

Zakonski zastupnik osnivača stečajnog dužnika, Predsjednik Općinskog vjeća Drvar, Pećanac Jasna, podnijela je kod ovog suda Prijedlog za otvaranje stečajnog postupka na d pravnim licem JP "Gradsko groblje" d.o.o. Drvar, ul. Titova broj 1, iz razloga što je Općinsko vijeće Drvar na 18.-oj sjednici održanoj dana 30.07.2014. godine, donijelo Odluku, broj 01-02-2753-1/14, kojim se pokreće postupak prestanka rada Javnog preduzeća „Gradsko groblje“ d.o.o. Drvar, zbog trajne nesposobnosti za poslovanje i nemogućnosti izmirivanja dospjelih obaveza.

U prijedlogu se navodi da je razlog za podnošenje Prijedloga za otvaranjem stečajnog postupka trajna nesposobnost za poslovanje I nemogućnost izmirivanja dospjelih obaveza, da stečajni dužnik nema ništa od pokretne i nepokretne imovine, da duguje Poreznoj upravi F BiH iznos od oko 100.000, 00 KM, a možda i drugim povjeriocima, da stečajni dužnik nema sredstava iz kojih bi mogao izmiriti navedeni dug.

Stečajni sudac je nakon što je utvrdio da je prijedlog za pokretanje stečajnog postupka podnesen od strane ovlaštenog predlagatelja u smislu odredbi čl. 58. st.1 i 2. Zakona o stečajnom postupku i da je isti dopušten, naložio je predlagatelju da uplati novčana sredstva na ime predujma financiranja troškova prethodnog stečajnog postupka u visini od 1500 KM, radi utvrđivanja uvjeta otvaranja stečajnog postupka, koji iznos je uplaćen dana 25.07.2025. godine, o čemu je u spis dostavljen dokaz o uplati.

Na osnovu priložene dokumentacije i saslušanja zakonskog zastupnika predlagatelja, ovaj Sud nije bio u mogućnosti da sam procjeni i utvrdi postojanje svih neophodnih uvjeta koje Zakon o stečaju propisuje za otvaranje stečajnog postupka, te je iz navedenih razloga Sud donio rješenje broj gornji od 05.09.2025. godine, o pokretanju prethodnog

stečajnog postupka, radi utvrđivanja uvjeta za otvaranje stečajnog postupka nad stečajnim dužnikom, na osnovu odredbi člana 61. stav 1. Zakona o stečaju.

Odluka iz st. 3. navedenog rješenja donesena je na osnovu odredbe člana 63. Zakona o stečaju, a nakon što je utvrđeno da privremeni stečajni upravitelj ispunjava uvjete za imenovanje utvrđene odredbom člana 61. Zakona o stečaju.

U Izvještaju o poduzetim radnjama i stanju imovine stečajnog dužnika od 16.12.2025. godine, u toku prethodnog postupka JP Gradsko groblje d.o.o. Drvar, stečajni upravitelj Siniša Lužajić navodi da je prijedlog za pokretanje stečajnog postupka dopušten, i prema dokumentaciji iz spisa suda pokrenut u pisanoj formi od strane zakonskog zastupnika, da postoje razlozi za otvaranje stečajnog postupka, platežna kratkoročna i dugoročna nesposobnost, te da stečajni dužnik prema raspoloživim podacima ima imovinu koja bi eventualno činila stečajnu masu za pokriće troškova u slučaju otvaranja stečajnog postupka manje vrijednosti, te da iz iste nije moguće pokriti troškove stečajnog postupka.

Isti stečajni upravitelj predložio je sudu objavljivanje Javnog poziva povjerenicima i zainteresiranim licima da u roku od 30 dana od objave poziva predlože otvaranje stečajnog postupka i uplate predujam za osiguranje troškova stečajnog postupka u iznosu od 6000 KM.

Sud je objavio Javni poziv svim povjerenicima i zainteresovanim licima, isti oglas je objavljen u Službenim novinama F BiH broj 13/26 od 18.02.2026. godine, kao i na Web stranici i oglasnoj tabli suda, u kojem Javnom oglasu su pozvana sva zainteresirana lica da u roku od 30 dana uplate iznos predujma na ime osiguranja troškova stečajnog postupka u visini od 3000 KM.

U navedenom roku nitko od povjerenika ili zainteresiranih lica nije uplatio navedeni predujam troškova u visini od 3000 KM, iako je u predmetu prijavljeno potraživanje Porezne uprave F BiH, Kantonalni porezni ured Livno, broj 13-10-03-08-4-1383/25 od 22.01.2026. godine, kojim je izvršena prijava potraživanja u visini od 153.776,78 KM.

Članom 102. stav 7. propisano je ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda -elektronskoj tabli suda i u "Službenim novinama Federacije BiH", pozvati povjerenice i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za osiguranje troškova stečajnog postupka, u iznosu koji odredi stečajni sudija.

Stavom 8. istog člana propisano je ako u roku iz stava (7) ovog člana povjerenici i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak. Rješenje o otvaranju i zaključenju stečajnog postupka dostavlja se nadležnom tužilaštvu, Poreskoj upravi Federacije Bosne i Hercegovine i Upravi za indirektno oporezivanje Bosne i Hercegovine.

Kako stečajni dužnik nema svoje imovine koja bi mogla biti predmet stečajne mase, odnosno nema je dovoljno da bi mogla pokriti troškove stečajnog postupka, te kako nitko od zainteresiranih lica i povjerilaca nije u roku od 30 od objave javnog oglasa-poziva uplatio iznos predujma za osiguranjem troškova stečajnog postupka u visini od 3000 KM, to je sud u skladu sa članom 102. stav 8. Zakona o stečajnom postupku (Službene novine F BiH broj 53/21), otvorio stečajni postupak nad pravnim licem, i isti odmah zaključio, zbog nepostojanja imovine stečajnog dužnika koja bi mogla biti predmet unovčenja.

Na osnovu navedenog, temeljem citiranih odredbi Zakona sud je odlučio kao u izreci ovog rješenja.

Pouka o pravnom lijeku:

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.

Stečajni sudac

Aleksandar Kontić